

Gode medlem!

Tusen takk for at du er med og støttar arbeidet vårt i Vik Røde Kors. Medlemskapet ditt er viktig for oss, og vi vonar du vil vere med oss vidare i 2022.

Vik Røde Kors har ulike aktivitetar:

Hjelpekorps

Vik Hjelpekorps er budde på å rykkje ut med både redningsmateriell og personell dersom ei ulukke, krise eller katastrofe oppstår. Påska 2021 hadde me ikkje vakter på fjellet, men korpset var i beredskap.

Me har vore på Mensen Ernst Minneløp i Fresvik som sanitetsvakter.

Dette året har me vorte kontakta for å gjere oss klare til fire leite- og henteoppdrag på fjella i kommunen. Tre av dei har vorte avslutta før me kom i gang, grunna moglegheit for helikoptertransport. Det fjerde oppdraget var å hente ut eit eldre ektepar som hadde gått seg vekk i Stølsheimen. Snøvær og vanskelege landingsmoglegheiter stansa helikoptertransport, så den einaste løysinga var å gå til fots. Vik RKH stilte med eit mannskap på ni personar. I samarbeid med ein hundeevipasje frå Norske redningshundar fann me ekteparet sterkt nedkjølte og slitne. Etter nokre timars gonge fekk me innlosjert dei på ei oppvarma hytte til helikopter kunne hente dei ut på føremiddagen.



2021-Sommarfest

Besøksteneste

Besøkstenesta har også i 2021 halde fram med besøk i heimane i Vik. Det har sjølvstøtt vore

avgrensa og tilpassa smittesituasjonen heile vegen, men me har gjort det beste ut av det. Me var heldige og fekk også i år arrangert den årlege sommarfesten på VBS. Like heldige som tidlegare så fekk me fint ver denne dagen, og *Gamlekara* og koret stilte med flott musikk til stor glede for bebuarane.

Me kjem også til å ha førjulsfest i desember, og i januar har me bestemt at me endeleg kan starte opp att med onsdagskaféen.

Me har også tre aktive besøksvenner med hund. Dei skaper

trivsel og glede for menneske på institusjonar og heime.

Visitortenesta

Visitortenesta har som hovudoppgåve å besøke innsette i fengsel. No har me seks visitorar i Vik Røde Kors, men i år har aktiviteten stoppa opp på grunn av korona.

Ei juleglede frå Røde Kors

Ei juleglede er ei gåve i form av gåvekort eller konkrete gåver. Ho går til barn i familiar som er i ein krevjande livssituasjon. Julegleder er finansierte av Gjensidigestiftelsen og Sogn og Fjordane Røde Kors. Tildeling av julegåvene skjer anonymt i regi av NAV. Mange av barna veit ikkje sjølve at dei får julegåve frå Røde Kors. I 2021 vil sju barn i Vik kommune få glede av dette tiltaket.

Vi takkar difor for at du er medlem i Vik Røde Kors og vonar at du vil halde fram med det. På den måten er du med på å halde oppe det viktige arbeidet vi meiner vi gjer lokalt. Takk skal du ha !

Beste helsing styret i Vik Røde Kors

Darek Hauderowicz, leiar, tlf. 41104713

Oddvin Rinde, nestleiar, tlf. 91120571

Knut Mykkeltvedt, hjelpekorpsleiar, tlf. 91876314

Linda Svendsen, besøkstenesta tlf. 48133327
post@rkvik.no

VIK

Redningshelikopter kretsa over forkomne fjellturistar - måtte gje opp



KALDE OG GLADE: Barbara og Jochen Kuhnen fekk ei tøff natt til tysdag, her er dei og leitemannskapet klare for returen ned frå Vikafjellet. Foto: Gunnar Kleven

«Hei, Nå er vi forlengst komen heim til Tyskland i god behald, men framleis snakkar vi mye om denne skumle opplevinga natt til 12. oktober. Vi fortel hovudsakeleg om det fantastiske hjelpekorpsset frå Vik und sine snille og hjelpsame menneske som vi skylder en stor takk.»

Jochen og Barbara Kuhnen